



Kakanj, 03.02. 2016. godine.
Broj: 01/D-01-43- 1503 /16

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 50-01/16 od 21.01.2016. godine po konkurentskom zahtjevu za dostavu ponuda (KZ: 71/15 - Nabavka strujnih mjernih transformatora), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), v.d. Direktora Društva mr.sci. Kasim Alajbegović, dipl.ing.maš., donio je

ODLUKU o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka strujnih mjernih transformatora, po provedenom konkurentskom zahtjevu za dostavu ponuda izabran je sljedeći ponuđač:

**„INELEX“ d.o.o. Sarajevo
sa ukupnom cijenom od 7.200,00 KM bez PDV-a**

Član 2.

Prijedlog ugovora o nabavci dostavit će se na potpis izabranom ponuđaču „INELEX“ d.o.o. Sarajevo po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.- Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-12294/15 od 22.10.2015.godine.

Procijenjena vrijednost javne nabavke bez PDV-a je 9.500,00 KM.

Obavijest o nabavci broj: 967-7-1-966-3-149/15 poslana je na objavu dana 30.12.2015.godine, a objavljena je na Portalu javnih nabavki dana 30.12.2015.godine.

Konkurentski zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. „TEVE VARNOST ELEKTRONIKA“ d.o.o. Visoko
2. „ELEKTROCENTAR PETEK“ d.o.o. Sarajevo
3. „ELKO“ d.o.o. Istočno Sarajevo

Osim gore navedenih kandidata, tendersku dokumentaciju u postupku prikupljanja ponuda izuzeli su i sljedeći kandidati:

1. „ERAX-INVEST“ d.o.o. Banovići
2. „PROTON“ d.o.o. Tuzla
3. „C&G“ d.o.o. Sarajevo
4. „ENERGOINVEST-SUE“ d.o.o. Sarajevo
5. „INELEX“ d.o.o. Sarajevo
6. „POWERDIS“ d.o.o. Bihać
7. „SIMING“ d.o.o. jesenice na Dolenjskem
8. „ELCOR“ d.o.o. Grude
9. „ELDIS TEHNIKA“ d.o.o. Sarajevo
10. „VALTER-ELEKTRO“ d.o.o. Sarajevo

Komisija za javnu nabavku je dana 19.01.2016. godine sačinila Zapisnik o ocjeni ponuda broj: 42-01/16 od 19.01.2016. godine i Preporuku o izboru najpovoljnijeg ponuđača broj: 50-01/16 od 21.01.2016.godine, u postupku javne nabavke roba – Nabavka strujnih mjernih transformatora.

Komisija za javnu nabavku imenovana je Odlukom broj: 01/D-01-43-12293/15 od 22.10.2015.godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3).
- da su blagovremeno zaprimljene tri (3) ponude.
- da su neblagovremeno zaprimljene ////////////// ponude.
- da je ponuda ponuđača „INELEX“ d.o.o. Sarajevo prihvatljiva.
- da su ponude ponuđača „VALTER-ELEKTRO“ d.o.o. Sarajevo i grupa ponuđača „ELEKTROCENTAR PETEK“ d.o.o. Sarajevo i „ELEKTROCENTAR PETEK“ d.o.o. Ivanić Grad neprihvatljive iz razloga kako slijedi:

- Ponuda ponuđača „VALTER-ELEKTRO“ d.o.o. Sarajevo je neprihvatljiva iz razloga što ne odgovara postavljenim uvjetima iz konkurentskog zahtjeva za dostavu ponuda što je utvrđeno u Zapisniku o ocjeni ponuda broj: 42-01/16 od 19.01.2016. godine.

- Ponuđač je dužan u svrhu dokazivanja lične sposobnosti dokazati da :

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio konkurentskog zahtjeva.

Izjava ne smije biti starija od 25 dana od dana predaje ponude.

Uvidom u ponudu ponuđača „VALTER-ELEKTRO“ d.o.o. Sarajevo utvrđeno je da je ponuđač dostavio Izjavu o ispunjenosti uslova iz člana 45. stav 1. tačka od a) do d) Zakona o javnim nabavkama BiH („Službeni glasnik BiH“ broj: 39/14), te da je izjavu dalo lice Nada Burazorović. Također je utvrđeno da je izjavu potpisalo i ovjerilo kod nadležnog organa lice Lejla G. Burazorović. Uvidom u Izvod iz sudskog registra utvrđeno je da je lice ovlašteno za zastupanje društva Nada Burazorović. Navedenu izjavu nije potpisalo lice ovlašteno za zastupanje društva, niti je dostavljena punomoć kojom lice ovlašteno za zastupanje društva ovlašćuje drugo lice da istu može potpisati.

- U tenderskoj dokumentaciji dostavljenoj ponuđačima dostavljen je Obrazac izjave o sukobu interesa iz člana 52. Zakona, koju ponuđač treba da popuni.

Ponuđač ima obavezu da u svojoj ponudi dostavi pismenu Izjavu iz člana 52. Zakona o javnim nabavkama, koja se odnosi na sukob interesa, popunjenu u skladu sa šemom koja je data u konkurentskom zahtjevu za ponudu.

Uvidom u ponudu ponuđača „VALTER-ELEKTRO“ d.o.o. Sarajevo utvrđeno je da je ponuđač dostavio Obrazac izjave o sukobu interesa iz člana 52. Zakona, te da je izjavu dalo lice Nada Burazorović. Također je utvrđeno da je izjavu potpisalo i ovjerilo kod nadležnog organa lice Lejla G. Burazorović. Uvidom u Izvod iz sudskog registra utvrđeno je da je lice ovlašteno za zastupanje društva Nada Burazorović. Navedenu izjavu nije potpisalo lice ovlašteno za zastupanje društva, niti je dostavljena punomoć kojom lice ovlašteno za zastupanje društva ovlašćuje drugo lice da istu može potpisati.

- Ponuđač, u svrhu dokazivanja ekonomsko-finansijskog stanja koje treba da garantira ispravno izvršenje ugovora, mora biti solventan u posljednjih 6 (šest) mjeseci.

U svrhu dokazivanja uslova ponuđač je dužan dostaviti

a) odgovarajuća bankovna pisma, odnosno potvrde svih poslovnih banaka kod kojih imaju otvorene transakcijske račune o bonitetu firme, da u zadnjih 6 (šest) mjeseci prije izdavanja potvrde ili drugog dokumenta kojim se takva činjenica dokazuje, račun ponuđača nije bio u blokadi i Izvještaj o računima pravne osobe koji izdaje Centralna banka BiH ili druga nadležna institucija zemlje u kojoj je ponuđač registrovan.

Datum izdavanja dokumenta u vidu potvrde poslovnih banaka i Izvještaj o računima pravne osobe koji izdaje Centralna banka BiH ili druga nadležna institucija zemlje u kojoj je ponuđač registrovan ne može biti stariji od 25 dana od dana predaje ponude u ovom postupku javne nabavke.

Ponuđač je u ponudi za tačku a) obavezan dostaviti izjavu, kojom pod punom materijalnom i krivičnom odgovornošću izjavljuje, da ispunjava postavljene uvjete. Izjavu u prilogu ovog konkurentskog zahtjeva ovlašteno lice ponuđača je obavezno potpisati i ovjeriti pečatom društva.

Uvidom u ponudu ponuđača „VALTER-ELEKTRO“ d.o.o. Sarajevo utvrđeno je da ponuđač u svojoj ponudi nije dostavio Izvještaj o računima pravne osobe koji izdaje Centralna banka BiH ili druga nadležna institucija zemlje u kojoj je ponuđač registrovan.

- Tehnička i profesionalna sposobnost ponuđača treba garantirati ispravno izvršenje ugovora.

Ponuđač je dužan dostaviti dokaz:

a) Listu isporuke roba dostavljenih u (2013., 2014. uključujući i tekuću 2015. godinu), sa ukupnim vrijednosnim iznosima, datumima i primaocima uz osiguranje dokumenata u formi potvrda o dostavljenim robama koje su izdali primaoci - Obrazac „Popis ugovora-lista referenci“.

Dokaz za tačku a) se podnosi u tabelarnom pregledu - Referenc lista koja se nalazi u prilogu ovog konkurentskog zahtjeva uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) datum zaključenja ugovora;
- e) navode o uredno izvršenim ugovorima
- f) potvrda se dostavlja u originalu ili ovjerenoj kopiji kod nadležnog organa

Uvidom u ponudu ponuđača „VALTER-ELEKTRO“ d.o.o. Sarajevo utvrđeno je da je ponuđač u svojoj ponudi dostavio Obrazac „Popis ugovora-lista referenci“, ali isti nije popunjen u skladu sa zahtjevom iz konkurentskog zahtjeva, odnosno, u istom nije naznačena oznaka ugovora.

Na osnovu iznesenog ponuda ponuđača „VALTER-ELEKTRO“ d.o.o. Sarajevo ocjenjena je kao neprihvatljiva.

- Ponuda grupe ponuđača „ELEKTROCENTAR PETEK“ d.o.o. Sarajevo i „ELEKTROCENTAR PETEK“ d.o.o. Ivanić Grad je neprihvatljiva iz razloga što ne odgovara postavljenim uvjetima iz konkurentskog zahtjeva za dostavu ponuda što je utvrđeno u Zapisniku o ocjeni ponuda broj: 42-01/16 od 19.01.2016. godine.

- Tehnička i profesionalna sposobnost ponuđača treba garantirati ispravno izvršenje ugovora.

Ponuđač je dužan dostaviti dokaz:

a) Listu isporuke roba dostavljenih u (2013., 2014. uključujući i tekuću 2015. godinu), sa ukupnim vrijednosnim iznosima, datumima i primaocima uz osiguranje dokumenata u formi potvrda o dostavljenim robama koje su izdali primaoci - Obrazac „Popis ugovora-lista referenci“.

Dokaz za tačku a) se podnosi u tabelarnom pregledu - Referenc lista koja se nalazi u prilogu ovog konkurentskog zahtjeva uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati sljedeće podatke:

- g) naziv i sjedište ugovornih strana ili privrednih subjekata;
- h) predmet ugovora;
- i) vrijednost ugovora;
- j) datum zaključenja ugovora;
- k) navode o uredno izvršenim ugovorima
- l) potvrda se dostavlja u originalu ili ovjerenoj kopiji kod nadležnog organa

Uvidom u ponudu ponuđača Grupa ponuđača „ELEKTROCENTAR PETEK“ d.o.o. Sarajevo i „ELEKTROCENTAR PETEK“ d.o.o. Ivanić Grad utvrđeno je da je ponuđač u svojoj ponudi dostavio potvrdu o uspješnoj realizaciji ugovora, ali isti nije dostavljena u skladu sa zahtjevom iz konkurentskog zahtjeva.

Tačkom 3.4. f) tenderske dokumentacije je naznačeno da potvrda treba da se dostavi u originalu ili ovjerenoj kopiji kod nadležnog organa.

Potvrda koju je ponuđač dostavio u svojoj ponudi nije original potvrda niti je ovjerena kopija kod nadležnog organa.

Potvrda je dostavljena kao obična kopija i kao takva ne može biti prihvaćena, jer ne ispunjava uslov iz tenderske dokumentacije da bude dostavljena u originalu ili ovjerenoj kopiji.

Na osnovu iznesenog ponuda grupe ponuđača „ELEKTROCENTAR PETEK“ d.o.o. Sarajevo i „ELEKTROCENTAR PETEK“ d.o.o. Ivanić Grad ocijenjena je kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

U postupku ocjene provedenog postupka, v.d. direktora Društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Cijena
1.	„INELEX“ d.o.o. Sarajevo	7.200,00 KM bez PDV-a

Izabrani ponuđač je izabran primjenjujući kriterij najniže cijene, koja je ponuđena u iznosu od 7.200,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.



v.d. Direktora Društva

Mr.sci. Kasim Alajbegović, dipl.ing.maš.

Dostavljeno:

1x v.d. Direktora Društva

1x Učesnici u postupku javne nabavke

1x a/a